

賊

情

彙

纂

賊情彙纂卷二

劇賊姓名下 劇賊事畧

偽佐天侯陳承瑑

承瑑廣西老賊年約三十餘短小精悍高額廣

顙露顙微髭識字無多頗有權畧咸豐元年五月封

羽林侍衛二年壬子九月升伸后正侍衛十一月升

殿左三指揮十二月升殿右二檢點三年癸丑二月

升地官副丞相九月升天官正丞相四年甲寅二月

升興國侯五月改佐天侯自陷江寧寧踞鹽道署

迎合並未外出楊韋諸賊倚任之所謂偽朝內

官也賊中往來一應文書皆承瑤收發

註

籍貫及起事情皆朱祖培李東原論元說何年月升何官皆考自偽官簿其餘一切狀貌性情在江寧踞何宅第出犯何處皆程奉璜說其何時殲斃或考自官軍文案或賊中偽文亦多有程奉璜口說者各劇賊事畧皆同以下更不復註

偽衛天侯黃玉崑

玉崑廣西潯州府桂平縣大黃江人年約四十
長身駝背濃眉大鼻髭鬚甚多曾讀書稍通文
墨素為訟棍出入公門魚肉鄉黨道光三年庚戌十月馮

雲山等傳天帝教拜盟經桂平縣訪拏獲業玉
崑與逆黨密計行賄脫馮雲山於獄伊亦隨從
入夥至白沙團營倡亂有女甚美獻與石達開

咸豐二年

為偽妃初封翼貴丈雖與其軍事不甚專權
子二月封殿左一指揮七月犯長沙始獨領一
隊與官兵接仗玉崑奸譎異常善撫賊眾故敢
死之士多歸之十一月升殿左一檢點首陷漢
陽癸丑^{三年}二月至江甯楊秀清等欲大肆屠戮玉
崑極言不可即矯偽誥諭張貼安民五月升夏
官正丞相辦理軍務頗合楊賊心計遂重任之

令偽官自檢點以下俱至伊處聽令甲寅^{四年}二月

升衛國侯三月因事革職重責數百交羅苾芬

監押玉崑羞忿乘間投水苾芬遣人救之密不

聲張蓋賊之偽令凡自盡遇救亦必斬首玉崑

與苾芬厚故待之如此嗣在石賊偽府襄理書

繕八月復職改封衛天侯現踞江甯住察院署

審辦案件復委以軍事

偽補天侯李俊良

俊良本名俊昌因避韋逆諱故改之廣西老賊
年三十餘身長面白目有凶光微髭奸險莫測
賊在桂平茶地時封為中軍長素精醫理凡賊
之有病者俱令診視咸亨元年亥九月賊踞永安州洪
逆沾染時疫俊良用藥一劑而瘳遂封國醫職
同偽將軍專醫各渠賊疾病二年壬子七月在長沙

加封職指揮癸丑三年二月至江甯升職檢點收羅

醫士採辦藥材為典內醫之首五月封恩賞丞

相七月楊逆目疾劇甚俊良率諸醫竭技診治

甲寅四年四月楊逆其一目已損漸無痛楚封為補天

侯現踞江甯評事街富室胡姓之宅雖未奉偽

令出兵亦帶統下之人守城或出城與官兵接

仗

偽靖湖侯林鳳祥

鳳祥廣西老賊年約三十身材瘦小面黑微髭

賊踞永安州時封為御林侍衛

咸豐二年

壬子九月在長

沙升土官正將軍十一月在岳州升殿左一指

揮十二月在漢陽升殿左一檢點率羣醜首陷

武昌省升天官副丞

鳳祥

稱亡命每與官兵死

戰癸丑三年二月賊犯江甯鳳祥先登儀鳳門而進

二十三日與李來芳羅大綱等分股攻陷鎮江
揚州羅賊踞鎮江鳳祥復回揚州住府署三日
楊逆行偽誥諭令鳳祥率眾北犯以曾立瑯代
之嗣竄擾山東直隸乙丑年二月大兵克復連鎮
鳳祥身受多傷匿泥溝地窖中為官軍俘獲檻
送京師伏誅

偽定湖侯李來芳

來芳本名開芳因避石賊諱改來芳廣西老賊

年約三十身材高大黑面高顴有髭無鬚不通

文理性又極凶悍嗜殺咸豐元年八月賊踞大宣莫村

時封為戊一監軍壬子年七月在柳州升金一總

制帶右一軍攻陷桂陽嘉禾藍山攸縣等處九

月在長沙升金官正將軍仍管右一軍十一月

在岳州升殿右二指揮旋率羣醜攻陷漢陽升

殿右二檢點十二月陷武昌省升地官正丞相

癸丑三年正月賊眾下竄來芳於二十九日來芳首至江寧

攻撲聚寶門二月二十五日與林鳳祥羅大綱

等分股攻陷鎮江揚州住運司署三月初旬楊

賊行偽誥諭遣來芳等率眾北犯遂與林鳳祥

吉文元等竄擾山東直隸乙卯二月克復高唐

州未詳官輟所殲

偽平湖侯吉文元

文元廣西老賊年約三十身材長大面貌凶惡

狀極粗鄙咸寧元年亥五月賊踞象州新寨時封為御

林侍衛二年十一月攻陷漢陽升仲后副侍衛

十二月陷武昌省升土官副將軍三年二月賊

眾下窺犯江寧升殿右六指揮初十日江寧城

陷文元率眾先登二十三日加封春官副丞相

統羣醜犯六合及沿江一帶三月楊賊令文元
與李來芳林鳳祥等帶六軍賊眾北犯竄擾山
東直隸為官軍所殺

偽鎮國侯盧賢拔

賢拔本名賢達因避石賊諱改賢拔廣西老賊
年約四十身材中人面黃額濶鼻高嘴大露齒
有髭兩耳重聽粗通文墨而狂妄異常初在賊
中稱為盧先生其偽天條奏章及三字經等偽
書俱賢拔與洪逆密撰咸寧元年辛亥八月賊踞永安州
封為左掌朝儀職同將軍設官分職定禮作樂

一切僭妄制度皆賢拔奏請施行自永安至江

寧升職檢點癸丑^{三年}三月封恩賞丞相四月告病

開缺七月調為楊逆簿書十月升秋官又正丞

相仍理楊逆偽府事甲寅^{四年}二月封鎮國侯旋以

夫妻犯天條革職五月楊賊令在刪書衙刪改

六經今踞江甯明瓦廊大街前戶部郎中梅曾

亮宅

偽剽湖侯朱錫琨

錫琨廣西老賊年約四十身材高大面貌凶惡

道光三十年庚戌十二月賊在起金田時封為右軍長咸豐元年辛亥七

月賊至桂平茶地升戊一監軍帶中一軍賊兵

屢與官兵死戰壬子二年九月在長沙升土一總制

十一月賊陷漢陽升土官副將軍仍領中一軍

十二月賊陷武昌省升殿左三指揮三年癸丑二月

賊逼江甯錫琨帶賊兵攻大東門初十日江甯
城破陷升殿左三檢點即令看守大東門四月楊

逆令錫琨與黃益芸帶六軍賊眾北犯並接應

林鳳祥等五月初旬行抵六合為官兵誘至小

河殲斃逃賊歸報直訴而楊逆諱言其死殺逃

賊以滅口仍以功奏洪逆升秋官正丞相九月

封剿湖侯

偽滅湖侯黃益芸

益芸原名益雲因避馮逆諱改益芸廣西老賊年約四十身材中人面黑顴高有髭無鬚不甚

識字初為楊賊統下健兒能以草藥療急症自

金田至道州皆與楊逆共處咸豐二年封為前

一軍極危急監軍極危急者軍中倉卒之醫也

旋升為木正木一甲一監軍十一月賊至岳州

升土二總制領中二軍攻撲漢陽為官兵所敗
降為散卒癸丑^三二月賊逼江甯升復金一總制
領右一軍攻旱西門三月升土官正將軍四月
升殿右十六指揮與朱錫琨帶六軍賊眾北犯
接應林鳳祥等行抵六合小河為官兵殲斃餘
賊逃回稟知楊逆諱敗為勝殺逃回之賊以滅
口仍奏洪逆升為秋官副丞相九月加封滅湖

侯並厚恤其家

偽國兄洪仁發

仁發洪逆之兄也初秀全亡命江湖仁發未與
共處及在金田倡亂始入夥年四十六歲軀幹
魁梧^{粗大}面方色赤髭濃而髯少不甚識字楊逆忌
之甚尊為國兄而與軍事無^{不使}與焉每詭稱天父
下凡附體肆行謾罵數數挫折^{之歲}癸丑七月楊逆
傳各偽官聽令仁發獨後至楊逆以為不敬微

諷於所屬洪逆稍稍聞之內不自安即出偽詔
令仁發至楊逆處肉袒請罪並請杖責楊逆佯
不欲杖仁發固請而後杖之既受杖始欣然自
得其愚陋大都類此現踞江甯住珠市前四川
布政使李宗傳宅

偽國伯韋元玠

元玠韋昌輝之父年約五十身材長瘦黑面有
顴髭鬚稀疏家本富有聞洪逆等倡亂懼毀其
家隨子入夥尊為國伯向不與聞軍事每逢偽
禮拜日必書本章稟奏跪請前長洪楊二逆之安遇惡向
有喜慶大事亦隨班稱賀甚至跪於其子之前
三呼千歲韋賊恬然受之蓋賊中呼父為肉父

己為天父所生故直受不辭嗟乎父子天性忍
心如是此賊之所以為賊也現踞江寧住中正
街前河南巡撫潘鐸之宅

偽國宗韋俊

韋俊廣西鬱林州博白縣人韋昌輝之胞弟年

約三十面黑高鼻無髭不甚識字咸亨三年癸丑二月至

江寧始封國宗職與偽丞相同五月楊逆令與

石祥禎率羣醜援賴漢英等因擾九江一帶十

一月回江寧是時曾立滄踞揚州為官兵所困

楊逆復令攻打三义河因賞穿黃袍甲寅三月

又令與石祥禎等犯湘潭四月陷常德復陷岳
州武昌等處七月調回江寧與秦曰綱等攻打
兎兒磯為官兵所敗九月復令與石鎮崙等救
援田家鎮半壁山一戰鎮崙授首俊幾成擒賊
眾喪膽十三日官兵收復田家鎮俊遁回安慶

偽國宗石祥禎

祥禎石達開之兄也年約四十身材長大赤面

有鬚自廣西至江寧皆未與軍事咸豐三年癸丑五月賴

漢英等率羣醜犯江西為官兵所敗請援楊逆

始令祥禎與韋俊等往救因陷九江湖口等處

十一月回江寧復令與秦曰綱前赴安慶在廬

和池州一帶收貢擄糧甲寅四年三月二月又令與韋俊

陷

等犯湘潭敗竄常德五月復破岳州六月復陷
武昌省七月調回江寧令赴西梁山抵拒我兵
祥禎敗回旋在七家甕打仗為官兵所殲

偽國宗石鎮崙

鎮崙石達開之兄也年約三十身材中人黑面

高顴有髭短頰

狀

甚粗鄙自廣西至江甯雖與

軍事仍聽檢點指揮約束

咸豐三年

二月始封國宗

尊與偽丞相埒五月楊逆奏請凡國宗之能服
眾者頒給印信使出犯各郡縣於是鎮崙得擾
江西九江一帶十一月調回江甯攻三义河十

二月回江寧賞穿黃袍

甲寅

三月復與韋俊等

犯湘潭遂陷常德復陷岳州武昌等處七月

調命

回攻打兎兒磯賊眾大敗鎮崙僅以身免九月

又與韋俊等援田家鎮十月半壁山一戰為官

兵所殲

偽國宗韋濱

韋濱韋昌輝之兄也年約四十身材高大面貌

凶惡髭髯稀疏初至江甯不甚著名

咸豐三年

二月

凡洪楊諸逆兄弟概封國宗濱亦與焉甲寅二

月始給印信與韋俊等犯岳州遂擾黃陂孝感

一帶七月調至西梁山與胡以晄攻打太平府

為官兵所敗遁回江甯韋昌輝斥其無用追回

印信作為閒散國宗現踞江甯高井大街富室
劉姓之宅

偽國宗提督軍務石鳳魁

鳳魁石達開堂兄年約四十身材中人面方色
黑廣額高顴濃眉大鼻掀唇巨口髯少髭多肩
聳背駝粗通文墨不諳軍務自廣西至江甯皆
與達開俱初未嘗與軍事咸豐三年癸丑三月封為國宗
曾與賴漢英犯江西敗回江甯甲寅二月韋俊
上犯湖南以鳳魁守漢鎮六月陷武昌遂踞總

賊情定後卷之二

督署發號施令羣賊拱聽八月官兵克復武漢
遂下竄田家鎮十月楊逆遣人解回江甯以不
能守武漢殺之

偽天官正丞相曾水源

水源金田老賊年約二十餘身材中人面黃無

髭廣額高顴頗知文義初為童蒙師道光三年庚戌年馮

雲山在胡以眈村內傳天帝教書寫字無需人邀水

源入夥及洪逆倡亂封為御林侍衛擬撰偽書

批答偽本章與洪楊二逆不離跬步咸豐二年九月

賊在長沙時升伸后副侍衛仍掌一切文案十

十月在岳州旋升土官正將軍始與軍事首陷岳

州十二月武昌陷楊賊奏請改補偽東殿簿書

咸亨三年

癸丑三月在江寧升職檢點四月升東殿左丞

相十月改為天官又正丞相十一月帶賊眾攻

打三义河賞穿黃袍甲寅四年二月升天官正丞相

仍理偽東府事七月楊賊令其攻打東壩敗回

收入東牢今未復職前踞江寧候駕橋前廣東

糧道易長華宅

偽天官又副丞相曾釗揚

釗揚廣西潯州府桂平縣人年約三十身材瘦
小面圓嘴欹微髭鬚寡言笑頗通文墨初為童
蒙師庚戌年馮雲山等傳天帝教惑眾釗揚走
從之得司筆札為餽口計及洪逆等倡亂其一
切偽文檄皆釗揚與之謀合計咸亨二年壬子十月賊勢大
張設官分職授為右史職同將軍掌記偽王之

言動而不與軍事十二月升右掌朝儀職同指
揮編纂偽儀制癸丑三年四月楊逆偽府理文案之
人升偽東殿右丞相職升檢點五月封恩賞丞
相十一月改為天官又副丞相仍理偽東殿事
甲寅二月洪逆下偽詔削改六經以劉揚總其
成現踞江甯明瓦廊大街前戶部郎中梅曾亮
之宅

偽地官副丞相黃再興

再興初名天申因避天字改名再興廣西潯州府桂平縣人年三十九歲身矮面黑廣額高顴深目塌鼻面貌凶惡髭鬚稀疏稍知文義人甚奸詐初在賊中不甚著名庚戌賊時倡亂為後二軍前營左一東兩司馬次年辛亥二月升卒長因開功摺明晰洪逆知其能寫字令入詔書衙編纂偽

詔書壬子十月成至在長沙詔書編成以功升左史

職同將軍掌一切文案及記各偽王登朝問答

之辭謂之記錄月繳一本於洪逆咸寧三年癸丑二月至

江寧升職指揮四月升職檢點六月以科炭功

封恩賞丞相十月升地官副丞相理偽北殿事

甲申二月改理偽翼殿事六月賊復陷武昌省

石達開奏洪逆令再興赴湖北一帶安民造冊

七月抵武昌與偽國宗石鳳魁同勦軍事八月
官兵恢復武漢再興下竄田家鎮集潰敗之眾
以禦我兵十月楊逆發偽誥諭調回江寧以不
能守武漢奏而殺之

偽地官又正丞相羅苾芬

苾芬廣東嘉應州人年約四十身材中人面長
五官平正濃髭微髯人甚奸詐善笑寡言粗通
文墨自幼販賣煙土片於潯梧一帶道光十八年
粵督林奏粵省凡獲販鴉片者殺無赦苾芬懼
遂亡命於粵西為韋逆司會計庚戌年及洪逆倡
亂昌輝挾以入夥初封御林侍衛壬子八月在

長沙攻城為官兵所敗降為監軍十一月賊破
漢陽升復前職十二月升偽北殿簿書掌一切
文案癸卯四月升偽北殿丞相十一月升地官
又正丞相仍理偽北殿事凡韋逆行事苾芬能
以意會故信任之先據江甯富室譚姓之宅今
移於前馬路街前江甯布政司理問吳景周之
宅

偽地官又副丞相劉承芳

承芳廣西老賊年約四十長身駝背尖臉攢眉
高顴有髭狀人甚粗鄙初在賊中不甚著名自至

江甯始封偽翼殿簿書職同總制咸豐三年癸丑八月隨

石達開赴安徽省安民升翼殿丞相職同指揮
十月升地官又副丞相仍理偽翼殿事如與八
月又隨石達開赴安徽十二月隨至湖口縣凡

石賊所在之處皆與承芳俱在江甯踞紅紙廊
前任四川布政使方積宅

偽春官正丞相黃啟芳

啟芳廣西鬱林州博白縣人年約二十餘身長
面白美麗自喜賊中之貌都者稍通文墨暴躁
非常先在韋賊家教讀庚戌年洪逆倡亂韋賊
挾以入夥凡一切文案皆啟芳與羅苾芬掌之
頗見信任壬子八月在長沙初封偽北殿簿書
後改為右二簿書咸豐三年十月升偽北殿吏部尚

書掌封偽官頒發偽執照
甲寅四月升春官正
丞相仍理偽北殿事現踞江甯廩生甘可貞之
宅

偽春官又正丞相蒙得恩

得恩初名得天因避天字改得恩廣西老賊年
約四十餘身材長大聳肩駝背面黑而方攢眉
大鼻濃髭巨口性極巨測咸平元年五月賊在象州
新寨時封為御林侍衛正子二月在永安州升
偽殿右二指揮八月在長沙草賊十二月在武
昌復原官癸丑年二月在江寧因病開缺七月升

殿左七檢點凡搜掠良家子女以充各劇賊之
下陳皆得思先意籌之八月廿七乃楊逆生日
得思逐戶採選不分良賤勢迫刑驅號哭之聲
呼天搶地十月升春官又正丞相總理女營事
務其各營女官及女巡查等日三至而聽令焉
現踞江甯馬道街前南河總督潘錫恩之新宅

偽春官又副丞相林紹璋

紹璋廣西老賊年約三十身材中人面黑微髭
在賊中為散卒壬子十月賊破岳州以功升木

正木二乙二監軍帶左二軍賊眾直趨武漢癸

丑二月至江寧調炎正炎一丙一監軍四月升

炎四總制統帶前四軍隨朱錫琨等攻六合縣
各賊目均為官兵所敗紹璋獨以軍還楊逆甚

喜奏封恩賞丞相十月升春官又副丞相甲寅
二月與韋俊等犯湘潭與官兵戰全軍覆沒草
職調回湖口縣協同守城八月升復金官正將
軍紹璋託病不赴求秦曰綱代為婉稟揚逆願
帶罪立功遂隨秦曰綱踞守田家鎮十月我軍
攻克半壁山殲之

偽夏官正丞相何震川

震川廣西柳州府象州新寨村人年約三十身
材高大面白而圓五官平正有鬚髯狀類文秀
初為廣西諸生曾應北關鄉試庚戌年洪逆倡
亂被脅入夥一家二十二口失散殆盡僅勝一
弟一姪並震川三人初封副典詔命職同將軍
掌繕寫偽諭蘇子十二月升偽殿前右史日登

偽朝記洪逆之言動月成一書與左史聯名呈
獻癸丑乙卯至江寧升職指揮四月升職檢點
六月封恩賞丞相九月改為殿前右正史十月
升左正史甲寅二月升夏官正丞相與曾釗揚
等刑改六經兼辦軍務窺其隱微表似亦知賊之
為賊然而既失身其中不可如何則不過苟延歲月敷衍其事
享目前之富貴已耳現踞江寧明瓦廊大街前

戶部郎梅曾亮之宅

偽夏官又正丞相周勝坤

勝坤廣西老賊年約四十身材長大面貌凶惡
家本富有素業質庫庚戌年洪逆倡亂罄家以
獻封為左一軍副典聖庫癸丑歲三六月升炎二正
將軍始與其軍事曾犯鎮江揚州瓜洲一帶十
一月攻三义河援救揚州以功封恩賞丞相甲
寅四月升夏官又正丞相領帶賊眾上犯皖廬屢

與我兵抗現踞守廬州府

偽夏官又副丞相曾錦謙

錦謙廣西鬱林州博白縣人與韋昌輝比鄰而居年約三十餘身材瘦小廣額高顴大鼻尖額有髭無鬚識字無多狀人甚粗鄙與韋賊同時入夥在金田時封為左軍長壬子九月在長沙升金正金一庚一監軍癸丑明年二月至江甯升土三總制帶中三軍賊眾犯鎮江瓜洲揚州一帶四

月升水官正將軍踞守瓜洲六月升殿左九檢
點十一月官兵收復揚州錦謙敗回江甯楊逆
欲殺之章昌輝救免令與借胡以眈上犯和廬一
帶甲寅明年二月廬州陷四月升夏官又副丞相仍
踞守廬州

偽秋官又正丞相曾添養

添養本名天養因避天字改名添養廣西老賊
年約五十餘身材高大面貌凶惡濃髭長鬚慄
悍異常賊中號為能者初封御林侍衛癸丑二

月至江甯升殿左九指揮六月升殿左一檢點

十月升秋官又正丞相甲寅三月

俊等上犯湘潭四月陷岳州俊等回攻武昌省

初官軍駐田家鎮逼賊入竄賊三使人偵之皆得難拔既而添養自往偵視曰是可攻也遂陷田鎮

楊維幹與韋

留添養踞守岳州七月在城陵磯打仗為官兵
所殲首級重十餘斤其軀幹之偉可以想見自
添養授首羣賊無所倚恃竄敗頻仍其機警有
謀又可知矣

偽秋官又副丞相陳宗勝

宗勝廣西老賊年約三十身材中人尖臉高顴
微髭髯初封土官副將軍咸寧三年二月至江寧升

殿左五指揮三月升殿右二檢點踞守朝陽門

即大東門五月封恩賞丞相八月領帶賊眾犯高

淳東壩敗回江寧甲寅四月楊逆令往廬州援胡以

晁等遂踞廬州府屢與官軍抗拒

偽冬官正丞相羅大綱

大綱廣東潮州府揭陽縣人年約四十餘面貌
凶惡濃髭鬚素為海中劇盜擄掠商賈往來菱
塘一帶出沒無常道光三十年官兵捕之急遂
亡命於潯梧開值洪逆倡亂因走歸之初封左一
軍軍帥咸豐二年壬子四月在全州升土一總制管帶中
一軍十月在岳州升金官正將軍十二月升殿

左一指揮癸丑^{三年}二月至江甯帶賊眾犯鎮江瓜

洲揚州四月升殿左五檢點踞守鎮江六月升

冬官正丞相八月田家鎮官兵失利武昌同知

勞光泰所招之潮勇多降賊楊逆概令大綱統

帶之凡一切犯偽令之事悉置不問甲寅^{四年}二月

調回江甯令與胡以晁等上犯和廬三月踞守

安慶省遂擾建德東流等處十月官兵收復田

家鎮羣賊下竊楊逆又令大綱踞守湖口縣以
遏我師大綱慄悍機警賊中號為能者然因非
粵西老賊功在秦曰綱上而不封侯玉心甚快
快

偽冬官又正丞相賓福壽

福壽廣西老賊年約五十身瘦面長聳肩塌背
若臉攢眉形同骷髏微髭鬚素為木工洪逆起
事時相從入夥封為典木匠職同總制咸豐二年壬子十
二月賊至湖北所擄木工盡交福壽統帶升職將
軍癸丑年二月至江甯大興土木木工愈眾遂立
木營升職指揮七月封恩賞丞相甲寅年四月升

冬官又正丞相專理木營事現踞江甯三條巷
前河南陝州李溟宅

偽冬官又副丞相許宗揚

宗揚廣西老賊年約四十身材中人面黑而尖

微髭鬚初封御林侍衛咸豐三年三月在江甯升殿

左七指揮曾打六合縣小河為官兵所敗八月

又隨石達開赴安徽連犯建德東流等處十一

月調回江甯甲寅四年三月封恩賞丞相四月升冬

官又副丞相率羣賊犯山東直隸一帶七月敗

魏情與家譜卷二

回江寧收入東牢

偽天朝督內醫恩賞丞相宋耕棠

耕棠江蘇上元縣人年五十六歲身材中人形
容枯槁黑面短視有髭鬚先住江甯西華門頭
條巷初為童蒙師不事生產家日落繼學醫因
術疎無問名者遂交通吏胥魚肉鄉里咸豐三年癸丑二
月江甯城陷耕棠隸偽內醫楊斐成統下是時
楊秀清住內城將軍署有典轎賊目覃二忠時

疫延耕棠疹之教以服鞋底泥而愈賊眾驚為
神醫值楊逆目疾增劇其下遂薦之舉賞以偽將
軍職傳入偽府與國醫李俊良同輪疹漸就痊可
九月升職指揮督理內醫甲四寅正月洪逆之妻
有疾耕棠竭技診治二月封恩賞丞相自造旗
幟盛飾輿馬族友親丁皆授偽職傲睨自得天
有錦衣晝行之意現任江甯與李俊良同居

偽殿前丞相督理織營事務鍾芳禮

芳禮廣西老賊年約五十身材長大黑面高顴

微髭有髭髯初封御林侍衛咸亨三年癸丑二月至江甯封恩

賞丞相督理織營事務凡江甯城中素業機者

皆一網打盡分絲絡經限日繳緞疋若干並立

營伍亦有前後左右中各名色斬然不紊現踞

江甯府東大街前戶部廣東司正郎記名道甘

熙宅

偽殿前丞相羅瓊樹

瓊樹廣東揭陽縣人羅大綱族凡年約四十身
軀極矮面黑眼小微髭有髮垂趾垂嘴攢眉當羅賊踞
守鎮江時以瓊樹為協理所有緊要文報及解
金銀緞疋皆令其押送以此取信於楊逆咸中四年甲寅
二月封恩賞丞相三月隨韋俊等上犯湘潭四
月陷岳州六月復陷武昌石鳳魁令瓊樹四出

擄糧凡大治興國及江西武寧一帶無不知有
羅矮子者八月官兵收復武漢羣賊下竄瓊樹
退踞湖口縣與羅大綱聲勢聯絡協力拒守屢
抗官兵

偽殿前丞相何潮元

潮元廣西老賊年約四十身材中人黑面高顴
微髭鬚稍知醫理亡命江湖能以符水治病趁
錢餬口庚戌年洪逆倡亂相從入夥封為內軍
帥而不准用符水謂之曰妖符咸亨二年壬子六月升內
醫監軍癸丑壬子二月升前一軍內醫職同總制六
月封恩賞丞相十一月隨秦曰綱出踞安徽潮

元得擾桐城樅陽一帶甲寅三月楊逆令與林
啟容分踞九江遂在瑞昌湖口等處擄糧現踞
守湖口縣

偽殿前丞相左一檢點林錫保

錫保廣西老賊年約三十身中面白五官平正
有髭無鬚初在賊中封為典碯職同監軍散壬子
八月賊在長沙各軍皆設典碯而以錫保為偽
天朝總典碯職同將軍癸丑二月至江甯職升
指揮八月封恩賞丞相甲寅二月升殿左一檢
點踞江甯織造署審辦案件殘忍好殺終日刑

求鍛鍊周內故入人罪以銜己之精明而博揚
逆之歡心

偽殿右二檢點胡海隆

海隆廣西老賊年約三十身材瘦小滿面露骨自有凶光聲音洪大初在賊中封為巡查職同監軍壬子八月在長沙升職總制癸丑二月至江甯封為偽天朝總巡查職同將軍凡各巡查皆日至其所聽令十二月升殿右二檢點甲寅二月與林錫保同居終日搜殺喜用非刑

偽殿前丞相右四檢點張潮爵

潮爵廣西老賊年約三十餘身長面白窄額高
顴鼠吻微髭目有凶光初為楊逆統下健兒賊壬
子八月封中一軍帥癸丑二月升中三巡查三
月升土四總制管帶中四軍賊眾四月升金官
副將軍八月升殿右十指揮與石達開赴安徽
安民十一月石逆回江甯以秦曰綱代之潮爵

副之甲寅二月封恩賞丞相四月升殿右四檢
點其安民造冊擄糧等事皆潮爵總其成現踞
守安徽省有父名祿亦封恩賞丞相在江甯九
兒巷踞前直隸按察使周開麒宅

偽殿左五檢點吳如孝

如孝廣東嘉應州人年約四十身材中人黑面
小眼廣額高顴微髭鬚稍通文墨初為洋商司
會計販煙土於潯梧一帶折閱資本遂亡命粵
西庚戌年洪逆倡亂相從入夥封為左一師帥
壬子七月封恩賞師帥先是賊中軍中官最尊
聖兵與卒長有上下床之別縱有大功恩賞不

過師旅帥後至江甯始大署偽官十一月至武昌升木一總制管帶左一軍賊眾癸丑四月升殿左一指揮與羅大綱分股陷鎮江揚州楊逆令與羅大綱踞守鎮江六月升殿左五檢點十一月調回江甯攻打東壩旋復調回甲寅七月官兵圍攻鎮江府如孝敗竄不知下落或為官兵所殲容查明補錄

偽殿前丞相右六檢點李壽暉

壽暉廣西潯州府賀縣人年約四十身材中心
面白而方廣額高顴長眉細目鼻高耳大髭髯
稀疏舉止安詳前狀頗文秀賊中之有風度者揚
逆頗愛之敬壬子四月封為正典鐫刻校對一切

偽書癸丑三月至江甯調為東殿簿書職同檢
點八月封恩賞丞相十二月升殿右六檢點仍

理楊逆偽府事甲寅二月楊逆出示招人製造噴筒改名花筒以壽暉董其成時致染漆瘡稟自請開缺三月江甯監生吳長松在城謀為內應事洩長松走脫株連纍纍貢院收剪髮人數萬楊逆欲盡殺之壽暉竭力跪求請審明而後殺於是分別生瘡生蟲者免死活人萬餘現踞江甯

察院署

偽殿右八檢點白暉懷

暉懷廣西老賊年約四十身材長大面貌凶惡
初在賊中不甚著名壬子歲十一月始為御林侍
衛十二月升月令副侍衛癸丑二月至江寧升
殿右十二指揮五月與賴漢英等犯江西十月
敗回江寧十一月攻打三叉河以功升殿右八
檢點甲寅二月出踞廬州三月楊逆令與韋俊

魏博集卷二

等上犯岳州湘潭城陵磯一戰羣賊喪膽紛紛
下竄楊逆調暉懷回江甯收入東甯

偽殿前丞相右十二檢點林啟容

啟容廣西老賊年約三十餘身材高大長面高
顴微髭無鬚本籍湖南久貿廣西遂落籍焉初
為楊逆統下健兒不甚著名癸丑二月至江寧
尚未授官四月封土官正將軍五月升殿右八
指揮與賴漢英等率羣醜犯江西為官兵所敗
七月石祥禎等又犯江西啟容遂擾九江一帶

州縣甲寅二月升殿右十二檢點踞守九江屢
與官兵抗啟容殘忍異常每詐殺人以警眾故
羣下多憚之

偽殿前丞相右十四檢點魏超成

超成廣西老賊年約五十身材中人黑面高顴
濃髭微髻目有凶光敬辛亥九月封為殿前監斬
官自永安至江甯殺人不可勝計甲寅三月以
病乞赴江西就醫託招兵為名曾擾湖北興國
州江西武甯縣義甯州等處十月升殿右十四
檢點調回江甯

偽殿左二十一檢點覃炳賢

炳賢廣西老賊年約四十身材中人面貌凶惡
初封御林侍衛^歲癸丑八月升殿左二十一檢點
與石達開出擾安徽十一月石賊回江甯以秦
曰網代之炳賢副之曾犯廬和建德東流宿松
太湖一帶現踞安徽省

偽殿左二十三檢點梁立泰

立泰廣西潯州府桂平縣白沙墟人黃再興之
姻親年約三十身材長大小臉高顴微髭無髯
初為賊中聖兵辛亥十一月賊踞永安時封為
後二師帥十二月升後二軍軍帥癸丑五月至
江甯升御林侍衛三月升大吉副侍衛五月封
恩賞丞相八月又升殿左二十三檢點與石達開

出擾安徽所屬各州縣十一月石賊回江寧以
秦曰綱代之立秦副之現踞安徽嘗擾建德東
流廬和一帶出沒無定究以安徽為老巢

偽殿右三十檢點陳玉成

玉成廣西老賊陳承瑤之姪年十九歲身軀矮
小面白而方巨口無髭兩眼下有黑斑二塊羣
下譏為四眼人窮凶極惡嗜殺無厭自廣西至
江寧未與軍事以其稚也癸丑歲四月封為左四
軍正典聖糧職同監軍甲寅三四月隨韋俊等上
犯湘潭玉成志在武漢故未隨行五月杪由武

昌縣入梁子湖繞至省城東面六月初二日帶
賊眾五百餘人絕城而上以致官兵潰散遂陷
蕪湖七月又擾江北黃陂孝感等縣八月升殿
右三十八指揮踞守蘄州九月升殿右三十檢
點十月官兵收復蘄州連破田家鎮玉成竄伏
廣濟黃梅一帶旋至九江依林啟容協同踞守
現由黃州上竄漢陽漢口玉成捨死苦戰攻城

陷陣趨捷先登賊中之最可恨者

偽殿左三十一檢點曾鳳傳

鳳傳廣西老賊年約四十身材中人面長有鬚
攢眉巨口狀甚粗鄙初為賊中聖兵每戰輒勝
由兩司馬升後一師師癸丑二月在江寧升左
三軍帥三月升木正木三甲三監軍四月升木
三總制管帶左三軍賊眾踞守江寧太平門紫
金山麓營盤九月封恩賞檢點甲寅二月升殿

左三十一檢點仍踞守太平門八月官兵收復
武漢羣賊下竄楊賊令鳳傳與韋俊等援救田
家鎮踞守月餘十月我兵攻克田家鎮鳳傳與
秦曰綱等均竄九江湖口等處

偽殿前丞相正總典聖庫吳可億

可億廣西老賊年約三十餘身面俱長廣額微髭素業質庫家饒貲財庚戌年洪逆倡亂舉室從賊壬子九月洪逆等大署偽官封可億為典聖庫職同將軍凡擄得金帛悉令典收焉癸丑五月封恩賞丞相七月升職檢點現踞江甯水西門大街富室姚姓之宅

偽殿前丞相副典聖庫譚順添

順添廣西潯州府平南縣大宣墟人年約四十
身短面黑愁眉尖頰微髭髯初封為正典刑罰
壬子九月升副典聖庫職同將軍癸丑五月封
恩賞丞相七月升職檢點現踞江甯與吳可億
同居

偽殿前丞相伸后正侍衛張維崑

維崑廣西老賊年約四十身長面黑廣額高額
攢眉大眼塌鼻巨口髭鬚不多人甚粗鄙暴躁
異常辛亥六月封為前一軍典碯癸丑二月至
江甯升御林侍衛三月升伸后副侍衛伸后二
字乃侍衛中最尊者得役使眾侍衛且可鞭撻
之五月封恩賞丞相十月升伸后正侍衛凡城

外官兵打仗眾侍衛皆聽維崑指麾某當出仗
某應伺候朝門現踞江寧松濤巷前陝西鳳邠
道查炳華之宅

偽殿前丞相東殿吏部一尚書李壽春

壽春廣西賀縣人李壽暉弟年約三十身材中
人白面小眼高顴微鬚粗通文義頗有心計
初為詔書衙協理癸丑二月封東殿簿書嗣改
為吏部一尚書在楊逆頭門接發偽文書楊逆
有機密事皆與壽春及侯謙芳秘計十月封恩
賞丞相現踞江寧候駕橋前廣東糧道易長華

之宅

偽殿前丞相東殿吏部二尚書侯謙芳

謙芳廣西老賊年約三十身材中人面白五官

平正髭髯稀疏貌頗文秀癸丑二月封偽天朝

總宣詔書職同指揮七月封恩賞丞相甲寅三

月調為東殿吏部二尚書楊賊信任之同惡相

濟凡有機密事皆引謙芳及李壽春計議權勢

在韋石二賊之上偽侯相為之側目現踞江甯

與李壽春同居

偽東殿吏部三尚書侯淑錢

淑錢廣西老賊年約三十餘身中面白廣額露
額深目高鼻濃髭鬚甚濃初為總聖庫協理癸丑八
月隨石達開赴安徽省凡附近一帶所擄之物
皆淑錢典收焉甲寅三月升東殿吏部三尚書
巡察安徽河道七月調回江甯踞旱西門大街
前湖南衡永郴桂道張曾宅

偽東殿戶部二尚書侯裕寬

裕寬廣西老賊年約三十身中面白微髭狀類

婦人素不識字初為蕭朝貴廚役壬子八月蕭

逆授首其婦向充楊逆婢媵甚見寵幸裕寬仍

為廚役癸丑二月賊至江甯封為典西廚職同將

軍七月升職指揮甲寅三月調為東殿戶部二

尚書七月楊逆令其出巡安徽湖北八月官兵

收復武漢羣賊下竄楊逆即令裕寬踞守田家
鎮十月官兵克復田家鎮裕寬與秦曰綱等分
竄九江湖口等處

偽殿前丞相東殿左七承宣涂振興

振興廣西老賊年約三十身材瘦小面黑無髭
攢眉^歪扯嘴形若猿猴初為蕭逆統下健兒壬子
七月蕭逆授首遂依楊逆而仍理偽西殿事癸
丑二月至江寧封為西殿右二指使七月調為
東殿左七承宣職同檢點十月^旋封恩賞丞相甲
寅七月楊逆令與侯裕寬等出巡安徽湖北一

帶十月踞守田家鎮官兵攻克後與秦曰綱等
分踞九江湖口等處

偽殿前丞相左五指揮唐正財

正財湖南永州府祁陽縣人年約四十身材中

人面白有髭素為木商兼販米穀

咸豐二年

壬子七月裝

米赴下游貿易十月在岳州遇賊連船被虜揚

逆撫以好言加以偽官封典水匠職同將軍遂

甘心從賊先是賊在益陽見船即擄初無所謂

水營也自設水匠之官賊船始有統轄十二月

賊踞漢陽欲破武昌懼漢江之險正財搭浮橋

渡洪楊諸逆癸丑^{三年}二月至江寧以功升職指揮

五月封恩賞丞相九月升殿左五指揮提督水

營事務總辦船隻甲寅^{四年}三月韋逆令張子朋上

犯湘潭因封船隻激變水營楊逆得知先差親

信之人赴唐正財所以善言安慰旋將韋逆重

杖數百張子朋重責一千並出偽示曉諭水營

人心始服事詳楊逆條內現在江甯儀鳳門外
築水營踞守龍江關

偽殿前檢點左二十一指揮羅際隆

際隆廣西柳州府象州人年約二十餘身材中人白面深目高顴短頰無髭稍知文義妻為中二軍女軍帥有妹進於蕭朝貴為妃封為西貴舅自廣西至長沙皆與朝貴俱蕭逆死即歸楊逆統下戰必先登楊逆喜其趨捷收為親隨癸丑二月至江甯封恩賞檢點甲寅三月封殿左

二十一指揮六月隨黃再興赴湖北安民八月
官兵克復武昌際隆殲於洪山

偽殿前丞相左二十七指揮曾添浩

添浩曾添養弟廣西老賊年約四十身材高大
面方短視高鼻欹喙有髭微髯自廣西至江寧
皆與添養俱癸丑四月封為功勳七月升殿左
二十七指揮隨石達開上犯安徽頗肆凶威賊
眾甚憚之羣呼曾七哥甲寅三月與韋俊等犯
湘潭再犯岳州城陵磯一戰添養授首添浩遁

回武昌守大東門六月封恩賞丞相八月官兵
克復武漢添浩下竄田家鎮守磨盤山十月官
兵攻克田家鎮遂隨秦曰綱下竄九江湖口

偽殿前檢點左三十九指揮古隆賢

隆賢廣西老賊年約三十身矮面黑窄額高顴
小嘴尖頰無髭鬚不甚識字初封右四軍兩司
馬癸丑四月封金副金四辛四監軍六月升金
四總制守江甯太平門七月封恩賞檢點甲寅
四月升殿左三十九指揮七月隨黃再興至湖
北守漢陽八月官兵克復武漢隆賢竄田家鎮

以鐵鍊橫江阻截我師十月十三日官兵錘斷
之遂克田鎮隆賢隨秦曰綱等下竄九江踞守

小姑山

偽殿右四十指揮余廷璋

廷璋廣西老賊年約四十身長面黑廣額高顴
大眼塌鼻有髭無髯不甚識字暴躁異常素推
車販米於潯梧一帶庚戌年洪逆等倡亂隨之
入潯封為左二軍正典聖糧癸丑二月至江甯
升土二正將軍五月與賴漢英等上犯江西十
月敗回草職甲寅四月升復水二副將軍踞守

江甯聚寶門外雨花臺九月升殿石四十指揮
楊逆因九江圍急遣廷璋赴援甲寅十二月十
六日在小池口為官兵所殲經德化縣生員劉
士特稟明

偽殿前丞相左四十九指揮陳桂堂

桂堂廣西老賊年約四十身材瘦小面白長方
有髭無鬚人甚奸詐壬子七月封為中二軍前
營前旅帥癸丑二月至江甯升中四巡查三月
升後四軍水四總制守朝陽門屢與我兵抗七
月封恩賞丞相甲寅三月升殿左四十九指揮
仍守朝陽門桂堂趨捷機警賊中號為能者實

羅大綱之流亞黃再興知石鳳魁不足守武昌
曾奏請桂堂代之未至而官軍克復再興嘗歎
息語人曰如桂堂來武漢必不失是誠劇賊尤
當注意殲旃

偽殿前丞相北殿右二承宣張子朋

子朋廣西泗城府凌雲縣天峩嶺人年三十三
歲身材高大廣額掀鼻兩顴隆起凹顚巨口無
髭眇一目性情慘酷嗜殺無厭初為韋逆統下
健兒嘗送偽文往來於粵東肇慶一帶壬子七
月封御林侍衛癸丑二月升月令侍衛三月升
右八指揮四月調為北殿右二承宣職同指揮

十一月打三叉河封恩賞丞相甲寅三月與章
俊等上犯荆楚曾擾德安一帶七月調回江甯
八月官兵克復武漢羣賊竄踞田家鎮楊逆又
令子朋解礮船數十隻至田鎮以禦我師十月
攻克田家鎮子朋與羣賊下竄九江旋踞守湖
口縣子朋曾因激變水營被責楊賊愛其趨捷
故不忍殺之湖北一帶人民聞張瞎子名無不

股栗其凶橫可知

117 股栗其凶橫可知

偽殿前丞相北殿右八承宣吉志元

志元廣西潯州府桂平縣大梭村人年十九歲
身材瘦小黃面露骨廣額塌鼻大嘴尖額目有
凶光形同乞丐粗鄙好殺暴躁異常賊之初起
事也吉姓從逆最先一門數十人分隸各賊統
下志元係吉成鳳之子成鳳授首賊憫之故封
志元恩賞丞相壬子三月調為北殿僕射癸丑

四月升北殿右八承宣甲寅三月與韋俊上犯
湘潭遂在黃陂孝感一帶擄糧經官兵追躡由
黃岡倉子埠下竄田家鎮十月在半壁山打仗
為官兵所殲志元久駐黃孝及倉子埠彼處百
姓無不知有吉丞相者

偽功勳前夏官副丞相賴漢英

漢英廣東嘉應州人係洪逆妻弟羣賊呼為賴國舅年約四十面白頭尖高顴大嘴有髭無鬚頗通文墨兼知醫理久在廣西貿易洪逆等倡亂初封為內醫職同軍帥壬子十月升殿右四指揮始獨領一隊癸丑二月至江甯升殿右四檢點城陷時漢英先入徧出偽示脅人從逆五

月楊逆令其上犯江西路過安徽沿途縱火衙署民房焚燬殆盡圍攻江西省犇城三次皆為我兵堵截殺退九月楊賊調漢英回江甯斥其無用草職刪書現踞明瓦廊郎中梅曾亮宅

偽春官又正丞相曾錦發

錦發癸丑十月攻打揚州三义河為官兵所殲
偽冬官正丞相陳宗揚

宗揚甲寅三月在江甯犯偽天條為揚賊所殺
偽殿前丞相汪得勝

得勝甲寅七月隨韋俊犯岳州為我兵俘獲

偽夏官又副丞相曾立瑄

立瑒先踞揚州府後犯山東直隸為官兵所殲

偽秋官又副丞相鍾廷元

廷元曾踞揚州府後為官兵所殲

偽殿前丞相孟文慰

文慰甲寅六月踞守金沙洲八月克復武漢為

官兵所殲

偽殿右八檢點江咸林

咸林癸丑五月帶賊眾犯江西為官兵所殲

偽國宗韋志泰

志泰曾犯蕪湖縣甲寅八月踞蘄州十月竄回
九江府

偽殿左四十九指揮黃鳳歧

鳳歧甲寅十月在半壁山為官兵所殲

偽國宗石鎮崗

鎮崗曾犯湖北沿江一帶八月踞守蘄州十月
竄回九江府

偽將軍陳文金

文金屢犯江西武寧縣義寧州甲寅十月在半
壁山為官兵所殲

偽西貴親陸鍊福

鍊福曾犯崇陽通山一帶甲寅十月在半壁山

為官兵所殲

偽殿左七檢點陳仕容

仕容踞廬州府

偽殿右二十檢點陳元旺

元旺踞西梁山

偽殿右二十二檢點李壽成

壽成曾犯東壩踞太平府和州一帶

偽殿左二十九檢點張遂謀

遂謀踞舒城縣

偽東殿右十二承宣陳文青

文青踞湖口縣

偽東殿左三十一承宣黃文金

文金曾犯湖北八月竄回九江府

偽殿右二指揮曾水連

水連前犯建德後踞東流旋帶二百餘人逃散

偽殿右十指揮李維新

維新踞西梁山

偽殿右十二指揮曾夢章

夢章踞和州

偽東殿刑部六尚書劉瑒隆

瑒隆曾擾田家鎮武穴一帶

偽東殿工部二尚書李鳳敬

鳳敬曾擾武穴一帶

偽東殿左五承宣胡鼎文

鼎文踞湖口縣

偽東殿吏部六尚書陳承發

承發曾擾安徽廬和一帶

偽殿右十四指揮陳七寶

七寶曾擾安徽湖北江西沿江一帶

偽殿左三十七指揮新成金

成金廣東嘉應州人年約三十身中面黑愁眉
瞪眼無髯曾踞湖北武昌府署

偽殿前丞相黃益崙

益崙洪逆姻親

偽殿前丞相黃盛爵

盛爵洪逆姻親

偽殿前丞相黃盛坤

盛坤洪逆姻親以上三賊安富尊榮不理軍務
現踞江甯府西街富室陳宅

偽殿左十三檢點李來勝

來勝曾踞廬州府

偽殿右三十八指揮彭亦嵩

亦嵩曾由岳州敗回復擾黃孝一帶

偽北殿戶部一尚書蒙榮芝

榮芝年約三十身長背駝面黑而長對眼高顴
無髭曾帶賊兵攻蕪湖東壩等處

偽北殿工部一尚書姚茂鴻

茂鴻年約三十身短面黑而方五官平正有髭
性情殘酷嗜殺現踞江甯中正街譚宅

卷二
偽殿左十五檢點藍成春

成春曾踞安徽合肥縣派河驛一帶

偽殿左十九檢點黃超鳳

超鳳曾踞廬州府

偽金十三軍總制廖敬順

敬順踞崇陽為官兵所殲

偽侍衛梁兆鴻

兆鴻乃金田起首老賊在長沙犯賊今為賊所
殺

偽侍衛李世光

世光乃金田起首老賊在永安州病死

偽後軍長黃成德

成德金田老賊其時尚無諸偽職僅有五營軍
長名目在桂平縣病死

偽巡查艾慶麟

慶麟久踞漢口凶虐異常犯賊令為賊所殺

偽土八副將軍梁修仁

修仁在半壁山為官兵所殲

偽天朝育才官胡萬智

萬智曾踞興國州官兵克復時身受數刃猶呼

天父東王洪恩當以身報可謂至死不悟者

偽檢點萬象汾

象汾曾犯江西升冬官副丞相還江甯又犯三
又河降檢點四年犯武甯為官兵所殲

偽國宗提督軍務韋以德

以德乃韋昌輝之姪年約二十甲寅十月官兵
攻克田家鎮在半壁山為官兵所殲

偽炎三總制劉紹武

紹武踞守半壁山甲寅十月官兵攻克田家鎮
為官兵所殲

偽殿左十五指揮黃忠來

忠來曾犯青陽廬江無為等處

偽殿右二十指揮黃英兆

英兆踞廬州府三叉河一帶

偽殿左二十九指揮陳仕章

仕章踞巢縣

偽殿左三十二指揮孟文建

文建曾犯青陽廬江無為州等處

偽殿左三十三指揮賴桂英

桂英踞湖口縣

偽殿左五十七指揮陳志書

志書踞湖口縣

見前
偽殿前功曹副侍衛陳坤書

坤書踞巢縣

偽殿前夏至副侍衛黃品成

品成踞西梁山

偽殿前清明副侍衛雷黃順

黃順踞西梁山

偽立冬正侍衛林世容

世容踞湖口縣

偽立冬副侍衛林添九

添九踞廬州府守西門

偽殿前小雪副侍衛周才泰

才泰踞安慶府

偽翼殿左一承宣何新金

新金年約三十餘身長面白廣額高權微髭性

額

情巨測楊逆信任

偽翼殿右二承宣方營宗

營宗年約三十身肥面黑高顴無髭素為石賊信任

偽翼殿吏部尚書韋爾編

爾編年約三十身長面白微髭皺眉苦臉粗知文墨情性奸險

偽水五副將軍劉滿

劉滿曾踞宿松縣

偽金七副將軍蘇義

蘇義年約二十。身材瘦小。面黑而長。有細麻無鬚。

偽將軍翁振乾

振乾年約三十餘。身長面白。虬髯人甚奸險。頗

有權謀

偽水二總制黃榜超

榜超年約五十身中面黑而方短視扁鼻大嘴
微髭

偽功勳曾水保

水保乃曾添養之弟年約三十餘身中面白有
麻髮重無髭高鼻吐嘴尖頰人甚粗鄙

偽功勳土正土一戊一監軍羅忠球

忠球曾踞東流縣

偽典天茶劉壽麟

壽麟踞湖口縣

偽天朝副典硝萬宗志

宗志踞桐城縣

偽北殿左一指使劉勝才

勝才住黃陂孝感二縣擄糧

偽金七正將軍劉尉鴻

尉鴻踞太平府

偽炎五副將軍陸瑛

陸瑛踞西梁山

偽土二正將軍韋球

韋球踞湖口縣

偽土八副將軍梁俊明

俊明踞西梁山

偽金二副將軍楊明來

明來曾踞蘄州

偽天朝又正典鉛碼黃盛乾

盛乾踞廬江縣

偽天試翰林將軍隆超富

卷二
超富督理黃州郡民務

偽典南輿覃桂來

桂來踞蘄水縣

偽典入聖糧張立旺

立旺踞建德東流等處

偽右十二軍正典聖庫謝成才

成才曾踞大冶縣

偽左十三軍正典硝徐履泰

履泰曾踞黃州府

偽後軍正典聖糧羅文彩

文彩曾踞蘄州

偽燕第左一通傳朱雄邦

雄邦曾巡查九江江面

偽中八軍巡查雷茂興

茂興曾踞漢川縣

偽守土官偽鄉官名目

郭懷善

偽黃州郡總制

陳作霖

偽九江郡總制

孫漢傑

偽興國州監軍

李嵐谷

偽蘄州監軍

柏金魁

偽蘄水縣監軍

陳文柏

偽羅田縣監軍

李名玉

偽繁昌縣監軍

黃振鈞

偽潛山縣監軍

黃振興

偽銅陵縣監軍

方為城

偽湖口縣監軍

萬成桂

偽青陽縣監軍

林大鵬

偽彭澤縣監軍

宋徵祥

偽廣濟縣監軍

註

各守土官鄉官姓名
皆考自滿文稟奏